

Centimetres  
Inches

0 10 20 30 40 50 60 70 80 90 100 110 120 130 140 150 160 170 180 190

付6叶  
893

陶家母

桂華 耻

祖某之山西  
明初進士为

迄 迄 日 症

天世不

图整正库

64193  
武澄清  
自訂年  
譜  
一冊

國整庫

舊派原從晉水分知 尹世不

本忠正補禍疇昔從 止日應

識五家老仲彬 君如祖某山西  
太存人明和進士為

直常從  
止之五

甲識後庭教澤深隸華聯

芳樹成林孤兒亦有陶家母

愧負當年截髮心

君十子歲而  
始棄生六月

而始 君兄弟以 母叔成  
進士棄進念猶親殊多愧矣

室蹟依稀認雪鴻

扇仁風傳家治譜今重見試

卷編年紀事冲

卅年不聽足青望之間訊惟

解一雙今日開編差自慰恍

如剪燭話西窓

光緒戊子世種茶三日傍

秋瀛先生自記年譜率成四

絕印書之以告并之

樂亭愚弟史夢榮抄稟



年譜

澄清

姓武氏

先世山西太谷人明初入永年籍

南樂後學武勳朝同校  
同邑門人胡景桂

校

傳十餘世家乘闕略前跡多湮良足深憾澄早孤  
遭歷迍邐時自勉勵每更歲時輒書所事雪泥鴻  
爪偶不自忘無他取也然貽之後人亦使知自立  
之不易云爾

嘉慶五年庚申四月二十二日甲辰未時澄清生

時 祖德剛公年四十三歲 父丕承公年十九

歲 母趙太夫人年二十三歲

六年辛酉二歲

七年壬戌三歲

八年癸亥四歲

以上四年尙在襁褓一切皆不記憶

九年甲子五歲

是年十二月初十日子時二弟汝清生長字酌堂

十年乙丑六歲

從母趙太夫人識字

十一年丙寅七歲

從父丕承公讀論語 是年十二月初十日大  
妹生後適同邑茹佐村苗公印碩第五子光騰字  
穎香

十二年丁卯八歲

十三年戊辰九歲

十四年己巳十歲

是年十一月初六日二妹生後適城內西街李公

印棻次子廩生世馨字貽齋

十五年庚午十一歲

十六年辛未十二歲

此五年從 母趙太夫人讀四書詩經 父丕承  
公同夏蔭軒先生從縣學教諭李百泉先生受業  
故不能受 庭訓

十七年壬申十三歲

從堂叔武生諱榮魁讀四書大註溫詩經講論語  
學作詩文 是年二月初四日亥時三弟河清生  
長字禹襄

十八年癸酉十四歲

從 父丕承公讀易經書經初集啟蒙時文詩法  
淺說詩集文作半篇詩作四韻 是年 丕承公  
入邑庠

十九年甲戌十五歲

是年三月杪 父丕承公患瘟疫百藥罔效延至  
四月十五日棄世中秋節後 祖德剛公命從夏  
蔭軒先生受業讀禮記講四子書讀明文傳薪作  
文完章作詩六韻每日功課嚴密

二十年乙亥十六歲

讀儲選左傳兼讀八銘初集時文 是年三月夏

太老師去世蔭軒師哀毀逾恆兼為家務所累染

患瘧疾至十月方愈功課較疏澄冬夜讀書受臭

煤氣咳嗽吐血數日愈

二十一年丙子十七歲

讀周禮講學庸按課作詩文夏應縣試冬應府試

二十二年丁丑十八歲

四月歲試入邑庠首題亦不入於室次題徐子以

告夷子學使為山左杜石樵先生印塲芝農相國

之父筠巢座師之祖

二十三年戊寅十九歲

是年遷居西大街入清暉書院肄業從鄭念橋師

印城錢塘人學詩賦冬十月娶元配李夫人同邑

從九職銜印灑字隱波公長女

二十四年己卯二十歲

上元節後入學買煤一車自行篩檢稍覺勞頓復

犯吐血證一年方愈

二十五年庚辰二十一歲

讀時文八銘二集天崇百篇 是年三月二弟酌  
堂入郡庠十二月初二日 祖德剛公棄養

道光元年辛巳二十二歲

仍從蔭軒師讀清暉書院會課為家務所累功課  
或作或輟 是科蔭軒師領鄉薦

二年壬午二十三歲

是年與胞叔析居買二叔祖宅遷回迎春街在北  
院五堂叔處教讀從學者十餘人三弟與焉

三年癸未二十四歲

四年甲申二十五歲

此二年復就蔭軒師書房肄業兼課三弟讀因選  
拔期近作詩賦較多每月仍會清暉書院課時山  
長為夏邑李景樂先生 印道融後成乙未  
科進士

五年乙酉二十六歲

受成安縣郎堡黃君懋修聘訓其子鶴桂鶴舉三  
弟隨學秋入都鄉試不第 是科二弟中式

六年丙戌二十七歲

授徒讀詩經書經 是年六月三十日長女生後



適磁州響水梁貢生張君思誠次子守樸

七年丁亥二十八歲

授徒讀易經禮記與黃聘侯楊旗常聯課作文每月初二十六兩次皆三文一詩做照場規填寫添註塗改

八年戊子二十九歲

授徒讀周禮左傳秋赴鄉試不第冬食廩餼

九年己丑三十歲

授徒讀史記唐宋古文

十年庚寅三十一歲

每日午前與門人講四書午後講經書晚講詩文每逢二七日作詩文是年黃鶴桂入邑庠

十一年辛卯三十二歲

六月攜門人黃鶴桂同其兄琴舫入都鄉試不第是年妹婿苗穎香中武舉

十二年壬辰三十三歲

是年恩科仍攜黃氏昆仲入都鄉試房薦不售房師黃仙嶠先生

印士瀛湖南人

十三年癸巳三十四歲

自二十六歲迄是年在黃宅假館每日無他務講四書講經傳以教讀功課為自己功課九年之間學業漸進 是年六月初二日次女生後適茹佐村苗君光耀次子甫田

十四年甲午三十五歲

是科鄉試中式首題君子之仕也行其義也次題中也者天下之大本也和也者天下之達道也三題徒善不足以為政詩題吉人詞寡座師史望之

先生

印

致儼穆鶴舫先生

印

彰阿汪巽泉先生

印

守和姚伯昂先生

印

元之房師羅蘇溪先生

印

繞

典

湖南善化人

十五年乙未三十六歲

入都會試不第留京受香山小府村張君鳳岐聘課其胞姪永錫併其甥李鵬 是年三弟禹襄入郡庠

十六年丙申三十七歲

是年 恩科會試不第揭曉後回籍受馬北池司

馬聘主講秀洛書院

在縣西臨洛關

成安黃氏昆仲仍從

學 是年黃鶴舉入邑庠

十七年丁酉三十八歲

是年邢臺縣谷生鳴球來秀洛書院就學

十八年戊戌三十九歲

入都會試不第回籍與周公鳴鹿

南和人後丁未科成進士李

公鳴珂

同邑廩生

趙公廷彥

同邑人後庚子科中副榜

聯文社

十九年己亥四十歲

是年四月十三日元配李夫人病歿十一月二十

二日娶繼配李夫人同邑從九職銜 印仝椿字大年公長女

二十年庚子四十一歲

是科會試與二弟同房薦而不售二弟成進士授

職主事籤分刑部房師潘木君先生

印鐸安徽人

二十一年辛丑四十二歲

是年 恩科會試不第 時城中各廟宇城牆內

外空隙處浮屠之柩百數十棺甚有暴骨露尸者

商之姑丈杜承宣先生請縣尊出示催葬併禁喪

禮糜費凡無力葬埋者每柩助制錢三千無主之喪無歸之骨有棺者用其原棺無棺者另購木棺每一具給地方制錢二千令僱人葬之義地復為立石記姓名兩越月而事畢至洛關邀請同人仿城中辦法亦葬數十柩 是年族弟澣清來洛從學

二十二年壬寅四十三歲

是年三月二十四日三女生後適廣宗鄭松峯中丞胞姪竹園明府長子廩生繼修

二十三年癸卯四十四歲

是年長女婿張守樸來洛從學

二十四年甲辰四十五歲

會試不第大挑二等以教職用 五月二十九日

寅時長子用章生 香山張鳳岐以友人所贈八駿圖見示囑題作七律一首○能

窮殊相數韓君畫肉猶嫌未足云特賞願逢孫伯樂傳神惟有李將軍黃金價重燕南市駿耳名高冀北羣騏驎不教羈轡繫會當一蹴赴青雲圖本不佳故詩只論畫馬而於斯圖不贊一詞

二十五年乙巳四十六歲

是年 恩科會試不第九月選樂亭縣教諭 在都作旅

館聞析記○乙巳春初入都應禮部試路宿清風  
店夜半睡覺聞隔壁有啾啾聲蒙館讀書耶賈人  
算賬耶傾耳而聽之其聲云天先知人先知天知  
人知人知人知人知人知人知人知人知人知人  
側身而起尋其聲之所自來乃析聲也旋以告友  
人曰析聲應矣意者闈中以人馬廋哉二句命題友  
不然而會子曰十日所視十手所指子思子曰莫  
見乎隱莫顯乎微言幽獨之中細微之事有人不  
知而天知者矣天知即人知一人知即人人知不  
聲其警子歟楊慎四知誠先得我心矣昔  
人謂暮鼓晨鐘發人深省吾於斯析亦云

二十六年丙午四十七歲

二月赴省領憑四月十二日到樂亭教諭任七月  
奉府委兼理臨榆縣訓導九月交卸 是科門人

郭志瀛 永年人 領鄉薦

二十七年丁未四十八歲

會試房薦不第房師孔誠甫先生 印慶鋤山東人 榜

後香山小府村張永錫 改名錫齡 隨赴樂亭從學

二十八年戊申四十九歲

在學署教課生徒諸生中來會月課者四五十人  
因選拔場期伊邇改詩賦較多 是年冬長女婿  
張守樸門人黃鶴舉均得選拔

二十九年己酉五十歲

在學署教課生徒從學日衆率多以學舍難容辭

之 是年春門人錢德昌樂亭人得選拔秋劉調元

樂亭人鄉試中式谷鳴球邢臺人中副榜

三十年庚戌五十一歲

會試房薦不第房師奎星偶先生印福榜後回

任課諸生併教子用章讀唐詩 是年九月二弟

補奉天司主事十一月題升四川司員外郎

咸豐元年辛亥五十二歲

在學署課諸生併教子用章讀詩經

二年壬子五十三歲

是年 恩科會試中式首題柴也愚參也魯次題

楚國無以為寶惟善以為寶三題詩云畫爾于茅

宵爾索綯亟其乘屋其始播百穀詩題東壁圖書

府座師周芝臺先生印祖培何根雲先生印桂清

杜筠巢先生印翻載鶴峯先生印齡房師汪艮山

先生印振基引 見以知縣用籤掣浙江親老告

近改掣河南七月回樂亭與淡曙軒明府史香厓

孝廉訂交曙軒印春暉陝西大荔人少子六歲丁

蘭樂亭人少子十三歲庚子科舉人九月攜眷入  
 以奉養孀親閉戶著書不求仕進  
 都省親時二弟官刑部員外郎十月杪回籍是  
 迎養太夫人於京寓  
 年秋闈門人錢德昌葛唐麟俱樂亭人李士純永年人中  
 式

三年癸丑五十四歲

三月中旬二弟酌堂引疾告退奉太夫人回籍  
 五月十四日辰時次子用禮生六月粵匪圍懷慶  
 道路梗塞持部照從兵戈擾之中赴豫省奉兩司  
 會委稽查北門盤詰奸宄商民出入毫無留難八

月匪衆由山西折回竄擾直隸臨洺關失守九月  
 借差回籍省親

四年甲寅五十五歲

八月題補舞陽九月奉藩憲札飭先行赴任十月  
 十一日接印任事一切詞訟隨到隨問隨問隨結  
 出鄉檢驗輕車減從只帶刑件數人事畢點齊人  
 役即時帶領回署有距城較遠者必飭赴他村始  
 令食宿凡投井自縊之案訊無別故當場了結鄰  
 佑地主訊不知情當時開釋決不株連無辜如差

役私行鎖押一經查出立予責革夜間恆出署巡邏嚴禁娼賭捕獲盜賊盡法懲治邑舊有舞泉書院經費支絀捐廉課士膏獎從豐又有普濟堂收養貧民此款本係發商生息乃被前任提用致令貧民無以為生子自莅任以來每月捐廉如數散給北濰渡土棍李進暴橫為一方害獲案笞一千棒一千鎖錮終身

五年乙卯五十六歲

舞陽南面與泌陽接壤相隔數重山捻匪麇集出

沒無常深為民害到任後勸諭鄉團西南王店距城九十里設一民團尙店距城七十里設一民團正南接官亭阮家莊距城五十里各立一團東南武功鎮距城二十五里尹集距城七十里各立一團城東吳城距城三十里立一團城西卸甲店距城二十五里立一團互相聯絡復親練勇二百名會同營汛不時入山剿捕前後拏獲著名捻首李八千碎李四能人曹太元夥匪無算捻匪不敢入境是年門人陳聚之謝寶琮俱樂亭人領鄉薦



六年丙辰五十七歲

在北無渡拏獲鄰境劫獄戕官焚燒衙署要犯三名首犯岳善教從犯劉芳春李長春定案題請交部議敘 舞陽地處偏僻額設驛馬一匹半軍興以來道路梗塞文報繞道行走絡繹不絕兵差經過應接不暇民不堪命奉府憲札飭協濟葉縣兵車七十輛協濟裕州兵車七十輛雖係向章但今昔情形不同以罷民不堪重累稟請改派屢經駁飭終不能應

七年丁巳五十八歲

春泌陽角子山

一名腳跡山

捻匪蜂起始以王黨為首

黨死賊目蕭况張文成領其眾數月之間聚至萬餘人英中丞桂統滿漢兵駐葉縣八月賊圍確山副都統德隆阿葛綳阿率吉林馬隊擊敗之匪眾四散蕭况逃逸張文成復糾餘眾數千人四出竄擾時邱鎮軍聯恩在皖省大營中丞奏調回豫余帶練勇隨鎮軍入山勦賊賊匿洞中用火熏燒日有斬獲

是年飛蝗過境飛蝗去而捻匪來捻匪去而蛹子生蝗蛹去而捻匪又來舞陽地面

百姓苦不堪言

八年戊午五十九歲

二月張文成就擒餘匪悉平時和歲稔百姓安堵

如常賊之初起也省委候補知府葉某襄城營都

鐘陝西總兵龍澤厚亦來皆駐舞陽凡四月有餘

隨員候補知縣五人佐雜十人武弁亦十餘人親

兵雜役百餘人一切供應賠累四千餘金幾不能

支候補知縣張某帶西平練勇二百名百計營謀

欲令舞陽按日墊發口糧余以此款並未稟明立

案未敢允許遂在中丞左右多方毀詆幾致獲罪

戰守之功更無論矣後英中丞調任瑛蘭坡方伯

護院邱鎮軍歷敘顛末始得續入保案奉旨賞

戴藍翎加十一月太夫人壽舞陽紳民送壽屏

同知銜

十二幅萬人傘二柄德政牌八面

曰慈惠曰廉平曰阜財曰濟眾

曰團兵曰教士是科門人李蔚然永年領鄉薦

曰戢暴曰安民張畹西華中副榜

九年己未六十歲

正月進省適值撫台赴歸德大營在省候十數日

至二月初七日始回任所二十三日安徽擒匪孫

葵心等擁衆十餘萬盤踞北濰渡環城皆賊不時

攻撲余督率練勇居民分堞防守寢食俱廢者十

晝夜發大礮連斃多賊賊退圍解載乾糧數千觔

肉千餘觔親赴邱鎮台大營犒師行至北漚渡猝  
 聞公已殉難不勝駭悼遂將所載乾糧等物散給  
 難民旋於各鄉驗災凡夫與子被殺擄窮苦無依  
 者每口給制錢一千民心始安 是年 太夫人  
 八十二歲書來諭令早歸五月杪引疾告退六月  
 二十九日卸事八月安徽捻匪又至助署舞陽縣  
 駱小園守城賊退復代出鄉驗災自出俸餘以濟  
 災黎十月進省瀕行前數日闔邑紳民設筵餞行  
 同城文武官弁咸在離情睽睽幾於淚下  
 作留別  
 同寅七

言排律一首○宦海風帆擬早收恩恩此地五經  
 秋時驚白髮添雙鬢日與紅巾作對頭牧圍白應  
 祛馬害補牢難免失羊羞幾番甲士衝鋒戰半賴  
 寅僚借箸籌業富俯居文學掾功成好步武鄉侯  
 他年姓字垂青史健羨芳名萬古留七年僚友如  
 底事翩然賦遂初望懸慈母倚門間他年僚友如  
 相問來往惟憑尺素書留別士民七言排律一首  
 ○弦歌怪底不聞音五載操戈那理琴北鎮哀鴻  
 猶待撫南山猛虎未全擒恨無壯士千筋斧幸有  
 清官兩字金安堵未幾類思還鳥入林拜別定陵諸  
 祇緣愧見烏反哺轉類思還鳥入林拜別定陵諸  
 父老惟慙遺愛少棠陰七律一首○擾攘干戈迄  
 未休牧民何術解民憂三年兩次驚風鶴百姓千  
 家失馬牛赤地俯看真慘目青天仰問但搔頭幸  
 逢禾稼登場圃比登程日紳商士民備酒祖道迤  
 邐崇墉報有秋 遷十餘里留靴懸諸城門樹德政碑於東關晚宿

北無渡紳商士民備行館具酒食送萬人衣一襲

傘一柄牌四面曰身修行潔曰政簡刑清次日各

備盒酒送過沙河年終稟請上憲赴彰德就醫順

便回籍省親 是年春闈門人錢德昌樂亭人成進

士秋闈王德馨樂亭人張畹西華人領鄉薦

十年庚申六十一歲

三月之大梁算交代六月赴舞陽 是年十一月

二十四日為長子用章娶婦李氏同邑候選守備

印全樓長女

十一年辛酉六十二歲

二月由舞陽赴南陽署事人不肯接交代八月回

省年終回籍

同治元年壬戌六十三歲

在籍與兒輩講書論文暇則繙閱象緯形家數學

諸書借以自廣 是年族弟澧清胞姪用懌領鄉

薦

二年癸亥六十四歲

在籍訓課兒輩偶與後進諸生講論詩文

三年甲子六十五歲

自乾隆五十七年東南隅城隍坍塌迄今並未修築其餘殘缺日甚楚南楊樹屏太守來守是邦倡義修築首捐制錢五百緡余亦捐銀三百兩此外捐戶多寡不等共得制錢萬餘緡督工修葺半載餘一律完固是科門人李慎樞永年人領鄉薦

四年乙丑六十六歲

九月為太夫人預慶九旬十月十一日寅時長孫鴻緒生長子用章出十三日之大梁算交代未

結年終回籍

五年丙寅六十七歲

赴豫與徐汝良楊少竹算交代因交代案內有徐汝良借票銀四千兩後任不接未結回籍十二月初九日家婦李氏病亡

六年丁卯六十八歲

五月赴豫算交代徐汝良進省借票作為七折自具限狀解司議單既具少竹猶不肯畫押余遂將應交各款一千餘兩批解司庫奉有回批十月回

年譜  
籍爲太夫人慶祝

七年戊辰六十九歲

正月初三日擒匪張總愚由陝西北竄大隊距城十餘里郡城戒嚴余同在城官紳董率居民登城固守胞弟酌堂辦理團防練勇四百名竭力保衛城賴以安 三月遣人赴豫時少竹與楊雪峯對調雪峯出結交代始清 九月初八日爲長子用章續娶傅氏同邑戊午科舉人前太名縣教諭印襄長女

八年己巳七十歲

與長子用章講書論文

九年庚午七十一歲

課兒輩詩文五月命長子用章入都鄉試併分部學習先是已爲報捐郎中茲乘鄉試之便始捐分發六月分兵部職方司行走八月應試不售年終回籍 是年三月十九日爲次子用禮娶婦單氏同邑施莊歲貢生印詠春次女

十年辛未七十二歲

訓課兒輩暇則臨顏魯公帖數行

十一年壬申七十三歲

夏子松學使出月課經史詩題百道與三姪用咸  
改作頗多 九月爲 太夫人慶祝是年 太夫  
人九十五歲精神漸減飲食日少至十月三十日  
棄養

十二年癸酉七十四歲

家居讀禮不預外事四月十二日安葬 太夫人  
一切事宜命長子用章經理 是年同邑門人胡

景桂領鄉薦

去歲得選拔至此中式

十三年甲戌七十五歲

家居讀禮杜門謝客 是年六月三女婿鄭繼修  
選授山西虞鄉縣知縣十月初八日辰時次孫敬  
緒生長子用章出

光緒元年乙亥七十六歲

正月患瘟證旬餘未離牀褥上元後始愈二月初  
精力漸復戚友咸賀 是年門人董遇昌領鄉薦  
董生樂亭人昔曾從學  
於予今年幾六旬矣

二年丙子七十七歲

邑侯夏范卿續修縣志延子協修五月開局日與諸同人悉心採訪分別編次至年終稿本過半

是年十月初六日丑時三孫統緒生長子用章出

三年丁丑七十八歲

六月縣志定稿招工開雕至十一月竣事刻棣

華館文稿余及胞弟酌竹軒試帖草課徒竹軒課

童草與諸童從長子用章請也 是年八月三十

日繼配李夫人無疾而終夫人性明敏遇事有斷制工女紅治家勤儉事

太夫人以孝聞三十餘年太夫人之衣履皆

夫人手自縫紉兩侍太夫人疾百餘晝夜始終無倦色御下寬而有禮門內整齊嚴肅所用婢女及笄必尋其父母俾引歸嫁之以全其骨肉恩人咸道盛德不衰

四年戊寅七十九歲

晉豫大饑郡城糧價日昂斗米制錢一千四百文

長子明郡守夏范卿邑侯勸借鉅資派選紳士赴

山東採買米糧運至郡城開局平糶余出制錢五

百緡命長子用章竭力襄辦幸麥秋中稔人心稍

安始行停止



五年己卯八十歲

家居靜坐日臨顏魯公帖數行併課長孫鴻緒讀  
四月二十二日以余誕辰遠近親友稱觴者畢集  
長子明太守亦率同城文武登堂爲壽宴客三日  
不勝擾擾

六年庚辰八十一歲

三月初八日長孫鴻緒殤十一月二十七日三弟  
禹襄病故弟身素弱近年痰喘日甚精力日衰漸  
致不起雁行失序慟何能已

七年辛巳八十二歲

三月二十八日命胞姪用康等安葬三弟於南大  
堡村東新塋

八年壬午八十三歲

每日臨顏魯公帖數頁閒閱養生之說息心寡慮  
稍益暮年

九年癸未八十四歲

家居靜坐時課孫輩讀唐詩 是年春門人胡景  
桂成進士改翰林院庶吉士永年自道光丙戌許

勉齋入詞垣迄今五十七年始獲再見甚矣瀛洲之難步也

十年甲申八十五歲

六月初五日亥時四孫伊緒生長子用章出

右先大人自記年譜始嘉慶庚申終光緒甲申

凡八十五年敘述簡如性不喜鋪張然也

不孝等

仰體先志不敢妄增一字重滋罪戾謹依原稿鈔

錄雖先大人學問政績不竟於是而卽此已略

見一斑先大人賦質較弱讀書爲文暇則習武

數十年來善自衛攝不晚食亦不輕怒故年逾八秩鶴髮童顏精神矍鑠時復博覽羣書藉怡情性於陰陽象緯諸家洞澈底蘊鑒事如神吉凶成敗率先知之一方胥就裁焉夏四月念二日先大人誕辰遠邇咸好咸至猶能一一酬應把酒言歡忽於閏五月杪感受溽暑患痢瀉證延醫調治漸次就痊惟脾土大傷時覺內燥八月朔又感外寒自是步履日艱飲食漸減然每日端坐如昔談笑依然竊冀祈禱有靈葭苓奏效不意十月十七日

早餐後陡發大汗神氣遽頹延至二十日申刻溘  
然長逝次日視殮面色如生嗚呼痛哉不孝等侍  
奉無狀罹此鞠凶抱恨終天百死莫贖祇以先靈  
窀穸未安不得不苟延殘喘勉襄大事爰具行述  
伏求樂亭史香厓先生撰墓誌銘甯河戴愚卿殿  
傳書丹既鑄石擇吉乙酉十一月甲辰安葬嗣因  
是歲七月初三日溢水盛漲蓮花口潰決環城積  
水深五六尺未克如期舉行謹改卜於丁亥年二  
月戊寅奉先靈與兩先妣合葬於午橋西南之新

阡南樂武常卿比部為文以表墓

男用章禮泣血謹識

孫敬緒敬錄

刊南樂瓦當與此

桂 髻齡時聞 秋瀛夫子掩骼埋胔一事嘖嘖稱道

不衰長從 泚亭夫子遊復聞 夫子少失怙受

太夫人訓課兩弟讀下帷攻苦三十餘年卒能仰體

親志昆仲先後成名咸豐初年 夫子以名進士出

宰舞陽適值捻匪竄擾地方徧遭蹂躪 夫子捐廉

募勇擒斬多名用能保障一方嗣以親老告歸養親

課子閉戶箸書暇則啟迪後進孜孜不倦辛未壬申

桂 從 夫子問學見其年屆古稀鶴髮童顏氣宇和

藹學問淵深講貫經史之餘嘗與桂論天文算學至

近代而益精而大要不能越堯典四命唐傅仁均造  
戊寅元厯元僧一行作大衍厯元世祖製授時厯莫  
不以閏月定四時一語爲宗回回厯歐羅巴厯雖不  
用閏然立太陽年以周歲日躔勻分三百六十度又  
勻分爲十二月以爲耕斂之節而自春分起算是卽  
堯典寅賓出日始於仲春之義特立太陽年恆星年  
名目不同耳今之言天算者宜鎔西洋之算法入大  
統之型模使天自爲天歲自爲歲如晝夜平卽爲二  
分晝極長卽爲夏至不必問其日躔是何宮度是之

謂歲自爲歲必太陽行至降婁始命爲日躔降婁之  
次太陽行至鶉首始命爲日躔鶉首之次不必問其  
爲春分後第幾日夏至後第幾日是之謂天自爲天  
今人不必重西法而輕中法亦不必是中法而非西  
法算法雖不同差法則千古不易也其持論名通實  
發疇人所未發蓋 夫子夙通陰陽術數等書而厯  
算尤精故言之鑿鑿如此今歲 世兄俊民駕部來  
都攜 夫子自訂年譜授梓屬 桂 校字因憶平日所  
聞於 夫子者書於卷末以志不忘云

光緒十四年歲次戊子門人胡景桂謹識

夫于自高平歸對林風  
 長天辭如言文遠望以此今  
 幾潮大浪未窮盡 夫于尺脈  
 古今其地不司茲其與下古  
 今人不復重西越而歸中越亦不  
 風者今刻於茲日夏至於  
 夫木樹林生群首領命  
 而氣自氣錄亦大則



